

北京圖書館 編

北京圖書館藏珍本
年譜叢刊



第 74 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 74 冊



第七十四冊目錄

梅菴年譜正文二卷	一
施侍讀年譜	九五
施愚山先生年譜	三四五
王船山先生年譜	四四一
先船山公年譜卷首至清順治四年	六三九

悔菴年譜

卷上

我尤氏之先自周文王第十子聃季食采于沈爲氏。沈國今汝寧地也在唐爲固始人。廣德中有遷泉州者。避土審知嫌名去水爲尤。故唐以前尤氏無聞焉。五傳至宋天禧二年。

始祖贈少保公

諱叔保

避難入吳使長子

贈少師有終公

諱大成

居無錫之白石里次子

贈少保無已公

諱大公

居長洲之西禧里長之後爲

文獻驚津公

諱輝

官觀文殿大學士兵部尚書少保

贈少師錫之後爲

文簡遂初公

諱表

官煥章閣待制禮部尚書少師贈

太師

莊定木石公

諱焞

官端明殿大學士禮部尚書封毘

陵郡侯度宗嘗幸其第題柱間云五世三登宰輔奕

朝累掌絲綸蓋實錄也一門子弟登籍甚多自宋迄

明簪纓不絕代有名人則小子侗所著述祖詩言之

詳矣若侗固文簡公後也莊定公四傳

英德教諭公

諱玠

少子

諱臣

復遷于蘇轉徙斜塘以

耕讀世其家迨我

高祖處士北川府君

諱鼎

曾祖處士達夫府君

諱聰

予已不及見矣予猶獲事

先祖清宇府君

諱挺秀

文學鄉飲大賓給七品冠帶

傳載郡志江南通志

祖妣李氏碩人

先考遠公府君

諱淪

廩例太學生兩舉鄉飲大賓

敕封文林郎直隸永平府推官傳載郡志江南通志

先妣鄭氏

敕封孺人先君有七子長個次价次卽侗也又次佺次
俊次何次倬

明萬曆四十六年戊午閏四月二十四日申時予

始生年一歲

萬曆四十七年己未年二歲

萬曆四十八年卽泰昌元年庚申年三歲

天啓元年辛酉年四歲

天啓二年壬戌年五歲予入小學讀四書習易經

天啓三年癸亥年六歲

天啓四年甲子年七歲

天啓五年乙丑年八歲予家自斜塘遷入城居帶城

橋宅

天啓六年丙寅年九歲

天啓七年丁卯年十歲

崇禎元年戊辰年十一歲予家又遷至新造橋宅

崇禎二年己巳年十二歲予在家塾厭時文慕古學

自館課經史外竊取老莊離騷左國史記文選諸書

讀之有欽子序三蘭比屋齊年相與彊記辨難對偶

射覆間作小詩賦大抵兒戲可笑人也業師吳人千

先生世英見而異之向人稱神童云欽爲高林生鼎

吳以拔貢授官未仕而卒

崇禎三年庚午年十三歲

崇禎四年辛未年十四歲

崇禎五年壬申年十五歲予出應童子試太守河南
史公應選奇予文語先君曰此子異日必以文名世
院試不售益發憤下帷矣

崇禎六年癸酉年十六歲

崇禎七年甲戌年十七歲

崇禎八年乙亥年十八歲補長邑弟子員

崇禎九年丙子年十九歲與同里諸子爲文社始交

湯子卿謀

傳檮

賦詩贈答篇什日多

崇禎十年丁丑年二十歲冬赴試崑山聞祖母喪奔
歸祖母撫予素篤愛哭之慟將婚遂止

崇禎十一年戊寅年二十三歲四月娶婦曹氏少

予三歲今

勅封孺人婦翁曹公

應旌

以例監仕至咸陽知縣

崇禎十二年己卯年二十二歲秋應南京鄉試不第

應詔習騎射

崇禎十三年庚辰年二十三歲作自祝文匡社諸子

盟于滄浪亭予與卿謀同病有賓病秋箋倡和集是

歲長女莊生

崇禎十四年辛巳年二十四歲春赴常熟臨社與黃

韞生

淳耀

陸麗京

坊

吳羽三

潮

錢方明

安修

侯研德

年譜
諸子盟遊虞山有記秋大旱作田夫禱問兩師
文襄太士香像成作懺愁文回向自署其室曰西堂
銘焉文藝士

崇禎十五年壬午年二十五歲科試不錄遺試又不
錄歸而臥病著西堂秋夢錄陸子靈長壽國卒于金
陵予賦悲秋風哭之刻其遺橐嶺雲集

崇禎十六年癸未年二十六歲予讀書王禹慶復陽
如武園歲暮偶爲扶鸞之戲得遇掌文孫真人過庭
爲予序秋夢錄又有瑤宮花史何月兒降壇酬酢言
笑極歡入夢未偶因請于王母令侍女楚江不世以

續宿緣至明年三月踪跡遂絕事雖恍惚亦可感矣
詩詞甚多真人題曰沙語予纂小傳撮其略焉并作
落花賦弔之是歲中女穎生

皇清順治元年甲申年二十七歲先君葺亦園命予作
亦園賦末云百年之後此園之爲桑田乎滄海乎又
非主人所得而保也旣經喪亂此園廢爲牧馬地遂
成讖語三月賊破京師烈皇殉難五月予又遭祖
喪家國之痛一時交集六月忽聞湯卿謀病歿越宿
丁夫人亦亡予與卿謀情好素篤拊棺慟哭哀感路
人乃撫其孤子阿雄許以婚姻刻其遺集湘中草而

予祭文輓詩若干首名曰焚琴附焉時南朝新建仕宦闔塞予端憂抱病憔悴不勝主予載往千畝潭別業採芙蓉泛酒持螯相慰藉也予亦有記

皇清順治二年乙酉年二十八歲先祖先祖妣葬于官

山祖塋予襄事焉五月

工師渡江福王出犇南中大亂予奉父母避地斜塘舊

莊湖寇猝發烽火相望寢食不寧八月入城卽就試

邑令沈旭輪先生

以職

郡守丁右海先生

允元俱拔

第一督學陳道莊先生

昌信

取第五餽于庠赴江寧

省試不第是歲少女粲生

適事

順治三年丙戌年並十九歲秋再待鄉試太倉別有
李辛水先生出作薦景卷圭司以文大奇之也中副
榜時亂未定與數驚里中細人有訛傳子死者家
人不勝悲駭亡何予歸笑云坡公有言臣亦伯厭其
餘生矣因作詩云原無自祭辭陶令遂有招魂事堪
平唁者笑而去崑山徐子公肅沅年廿三來從予
遊

順治四年丁亥年三十歲至太倉謁李夫子太史吳
梅村先生燁業引爲忘年交與周子椒聲王端士撰

王惟夏

吳

輩飲酒賦詩五旬而返坊人聘選丁亥房

書名曰真風

戊子己丑

十月舉長子珍

順治五年戊子年三十歲科試督學蘇文公先生

銓拔第一省試復不第歲至太倉縣李夫十六史吳

詔以首名拔貢明年四月試于

廷予刻歷試卷名曰小草蓋取謝公語殆將出也

順治六年己丑年三十二歲沈夫子以司李左遷北

上予策蹇從之三月至金陵登雨花臺清涼山泛桃

葉渡莫愁湖取道中州抵都門入太僕寺

廷試取第七名出學士自東谷歸編修張東山

兩先生之門應授推官內茂座主張陳桂庭呂鳳齋

崇烈兩先生愛予勉以再舉六月遂歸哀其詩刻北
征軸浩然有遊思九月入樵李十月至武林遊西湖
作記渡錢塘行山陰道登釣臺拜嚴先生祠憩蘭溪
還至桐廬經富陽復留湖上十日抵家歲云暮矣武
林坊人乞予存稿梓行于世
順治七年庚寅年三十三歲阿雄痘殤予哭之遺表
友湯卿謀書宛平金冶公_鑑孝廉來尋盟盟者_于予
彭雲客_龍繆子長_{慧遠}章素文_{在茲}吳敬生_倫宋旣
庭_{實穎}汪茗文_琬宋右之_{德宜}宋疇三_{德宏}金及予
也予與彭宋計甫草_東舉慎交社七郡從焉秋往衢

州訪李庚生

際期

觀察遇陳公朗

擴

太史于柯山訂

南湖之約

順治八年辛卯年三十四歲至嘉興與朱近修

彭燕又

賓

蔣亭彥

王立

馬又輝

耀曾

諸子遊駕鵞湖

賦詩寓楞嚴寺同秦汝翼

祖襄

夜話賦飢來驅我去

二章秋省試復不第主司高念東

新

黃次辰

機

兩先

生覓予卷不得深相惋惜予歎曰命也捧檄決矣陸

子處實

詩名

計偕予同車而北除夕宿扈家莊作詩

云人生何必遭遷謫只此潯陽與夜郎殆為後日識

矣